

## آذربایجان جمهوریتی سفیرلیگینه تروریستجه سالدیرینی قیناییریق!

۱۴۰۱ - جی ایلین بهمن آیین ۷ سی (2023 ژانویه 27) جمعه گونو سحر ساعات ۸:۳۰ - دا، کلاشینکوف لا سیلاخلانمیش بیر نفر تهران دا آذربایجان جمهوریتین سفیرلیگینه سالدیری یاپیب سفارت امکداشلارینی آتسه توتوشدور. بو سالدیریدا سفارتین تهلهکه سیزلیک گۆره و ایسی اؤلدورولوب و امکداشلارین ایکیسی یارانیدیر. آذربایجان سفیرلیگین تهلهکه سیزلیک ایشچیلرینین جسورجاسینا و دایانمادان راکسیاسی ایله بو سیلاخلی ترورچینین سیلاخی آلنمیش و او تهران اینتیظامی قوه لرینه وئرلمیشدی .

بوجنایت و ترورچی سالدیری اوکرایینلی طیاره نی گۆیده ویریب سالماق و سون نمونه اولراق، سعودی عربستان سفیرلیگینه هجوم و تخریبات اتمکله بیر سیرادا سایلییر. اسلام جمهوریتین امنیت اراگانلارینین، سیاسی هدفله، خارجی سفیرلیکلره ارگانیزه سالدیریلاری سابقه سیزدگیلیر و دفعه لره تیکرار اولموشدور. بو کیمی ترورچی وجنایتکار ایشلرین فرمان وئرلری کسینلیکله، اسلام جمهوریتینین اطلاعاتی - امنیت اوراقانلارینین ایچینده دالانمیشلار .

قاتیلین آدی صفر حسینزاده، قوندارما آدی یاسین، شرقی آذربایجان شهری مرند باغلی یکان علیا آدی کندیین اهلی دی. تهران اینتیظامی گوجلری ریسی، سردار رحیمی نین دندیگینه گۆره بو ترورچی عائله وی ، مالی و روحی دورومو اساسیندا بو ایشی گۆرموشدور. بو ایديعا دوغرو سایلیسا دا، سورولمالیدی کی، کیملر و هانکی گوجلر بو ترورچینین روحی دوروموندان سوء ایستیفاده اندیب ، اونو حاضر لاییب ، کلاشینکف لا یاراقلاندریب و اؤز سیاسی هدفلی جهتینده یؤنلدیلر؟ بوندان علاوه آذربایجان سفیرلیگینه سالدیرمادا بیر گونئی آذربایجانلینی قوللانماق دا چوخ معنالی و دوشوندور وجودور .

بیزجه بو بیر دولتی تروریزم سایلییر و بو تروری قاتیلین اؤزل موتیواسیاسینا باغلاماق ایران خلقی نین دوشونجه سیلن اویناماق و سورولولوقدان قاچماقدیر.

بیز، دوست و قارداش آذربایجان جمهوریتینین علیهینه گندن تروریستی و جنایتکار عملی کسینلیکله قیناییریق، ایران و آذربایجان جمهوریتینین دوستلوغو ضدینه گؤرولن چیرکین جنایتیه فرمان وئرلرین تانیتدیریلماسینی ایسته بیریک!

اسلام جمهوریتی بونو آچیق و آیدینجاسینا بیلمه لیدی کی آذربایجان جمهوریتی، ایرانین یالینزجا بیر قونشو اولکه سی دگیلیر! بلکه آذربایجان جمهوریتینه و اونون اله انتدیگی نائلتره هر بیر سالدیری، گونئی آذربایجان ملتی و بوتون تورک دونیاسینا سالدیری حؤکمنده دیر!

آذربایجان فدرال دمکرات حرکاتی

27 یانوار 2023